



ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

14 ՀՈՒՆԻՍԻ 2020 թ.
№ 8 (1058)

Թերթի առաջին համարը լույս է տեսել 1965 թ. մարտի 11-ին
երկշաբաթաբեր շաբաթական 55-րդ տարի

ԽԱՆՏՈՒ ԱՌՈՅԱԻ ԱՆՎԱՆ ԸՆԹԱԿԱՆ ԴԵՏԱԿԱՆ ՄԱՆԿԱՎԱՐՁԱԿԱՆ ՀԱՄԱԼՍԱՐԱՆԻ ԴԱՇՏԱՊԱԹԵՐԹ

ԴԻՄՈՐԴ-2020



ՄԱՍՆԱԳԻՏՈՒԹՅՈՒՆՆԵՐԻ ԵՐԿԸՆՏՐԱՆՔԻ ԱՌԱՋ

Մեր ազգային խառնվածքի մեջ կրթությունն առանձնահատուկ տեղ ունի, և, թերևս, դա է պատճառը, որ յուրաքանչյուր հայ մարդ ձգտում է իր երեխաների համար լավագույն կրթություն ապահովել՝ շեշտը դնելով հիմնականում բարձրագույն կրթության վրա:

Տարիներ առաջ դիմորդն ընտրում էր իր երազանքի մասնագիտությունը, նախապես ընտրում իր սիրելի ոլորտը, որին հետագայում պիտի նվիրվեր: Ընտրությունը հիմնականում պայմանավորված էր մայրաքաղաքում, մարզերում ու շրջաններում տնտեսական տարբեր ծյուրերի զարգացվածությամբ: Օրինակ, վանաձորցիներն ընտրում էին քիմիա մասնագիտության ֆակուլտետները, որովհետև այնտեղ քիմիական արտադրություն կար, ալավերցիներն ընտրում էին մետալուրգիական մասնագիտություններ ունեցող բուհերը, որովհետև քաղաքի լեռնամետալուրգիական գործարանն անընդհատ նոր, երիտասարդ կադրերի կարիք ուներ... Այսպես ձևավորվում էին նաև ընտանեկան մասնագիտական ավանդույթներ՝ մետալուրգների ու քիմիագործների սերունդներ. որդիները փոխարինում էին հայրերին՝ փոխանցելով իրենց մասնագիտական հմտություններն ու տարիների փորձառությունը: Աշխատանքային ոլորտները ևս շահում էին, որովհետև համալրվում էին ոչ թե պարտադրված, այլև իրենց մասնագիտությունը սիրող կադրերով:

Ինչ է փոխվել այսօր... Այսօր դպրոցի շրջանավարտը շրջանցում է այդ ավանդույթները, անտեսելով իր հնարավորություններն ու նախասիրությունները, ձգտում է տեղ գրավել այնպիսի բուհերում ու ֆակուլտետներում, որոնց մատուցած մասնագիտություններով կարող է ավարտելուց հետո աշխատանքի տեղավորվել: Իսկ այսօր աշխատանքային շուկայի պահանջարկը հիմնականում SS ոլորտի մասնագետներն են: Իսկ ի՞նչ ամի շրջանավարտը, ուրիշ ի՞նչ ընտրի, երբ տնտեսությունն ավերված է և տարիներով չի վերականգնվում: Եվ, ուրեմն, դժվար է մեղադրել դպրոցի շրջանավարտին... Երբ շուկայում պահանջված չէ իր սիրելի ու նախընտրելի մասնագիտությունը...

Մինչդեռ երկրին պետք է համամասնական զարգացում բոլոր ոլորտների ուղղությամբ, և շատ կարևոր է, որ դպրոցի յուրաքանչյուր շրջանավարտ ընտրի իր սիրելի, այլ ոչ թե պարտադրված և պահանջարկ ունեցող մասնագիտությունը, որտեղ ինքը կարող է ոչ պիտանի լինել... Եվ արդյունքում ստացվում է, որ ապագա քիմիա-

գործն ու մետալուրգն ընտրում են ծրագրավորողի մասնագիտությունը...

21-րդ դարը տեխնոլոգիական զարգացումների դար է, այսօր արդեն առանց համակարգչի ու համացանցի հնարավոր չէ պատկերացնել մեր կյանքը, բայց դա չի նշանակում, որ ապագայի բոլոր մասնագետները պետք է ընտրեն ծրագրավորողի ու նրան հարակից մասնագիտությունները:

Այս խնդրին էլ ավելացավ համաշխարհային կովիդ-19 համաճարակը և իր հերթին ձևավորվեց խաղի կանոնները. հեռավար կրթությունը դարձավ դասախոսի և ուսանողի, ուսուցչի և աշակերտի, տարբեր ոլորտներում աշխատող մարդկանց կյանքի ու առօրյայի անբաժան մաս:

ԿԳՄՍ նախարարի հրահանգով այս տարի դիմորդները բուհեր կընդունվեն մեկ քմնությամբ: Թե ինչպիսին կլինեն արդյունքները և գիտելիքների ինչ մակարդակ ունեցողները ոտք կդնեն բուհերի շեմից ներս՝ ցույց կտա ժամանակը: Արդեն տեսանելի է, որ դիմորդները հիմնականում սևեռվել են մաթեմատիկական մասնագիտությունների վրա, և այս դեպքում մրցույթ հաղթահարելու խնդիր կունենան: Ուսանողների սակավ թվաքանակն էլ իր կանոններն է թելադրում, և համալսարաններ ընդունվում է թույլ, միջին մակարդակ ունեցող դիմորդների մի շերտ, որի արդյունքում դպրոցն ու բուհը մշտապես իրար մեղադրողի կարգավիճակում են...

Դեռ լավ է, որ կա ուսուցչի մասնագիտությունը, որը բոլոր ժամանակների համար արդիական է: Այդ մասնագիտությունն ընտրում են հիմնականում մարզերի դպրոցների շրջանավարտները: Մանկավարժական համալսարանն այդ տեսանկյունից առնչվում է համրապետության բոլոր մարզերի հետ, կամա-ակամա հաղորդակցվում նրանց խնդիրներին, աջակցություն ցուցաբերում:

Սիրելի՛ ապագա մանկավարժներ, հաջատուր Աբովյանի անվան հայկական պետական մանկավարժական համալսարանը սիրով իր դռներն է բացել ձեր առաջ: Եթե սիրում եք ուսուցչի աշխատանքը՝ ուրեմն ճիշտ եք ընտրել ձեր ապագա մասնագիտությունը, և ուրախ ենք, որ ձեր ընտրությունը կանգ է առել Մանկավարժական համալսարանի վրա: Ուսուցչի մասնագիտությունն աշխարհի ամենավաճ ու ամենաժամանակակից մասնագիտությունն է: Սիրով սպասում ենք ձեզ՝ ապագա մանկավարժներին:

Սիլվա ԱՄՐՅԱՆ

ՈւՋՄԻԿ ԴՎՎՈՅԱՆ

ՃԱՄՓՈՐԴՈՒԹՅՈՒՆ - 1

Քայլի մի գիշեր, և երկու գիշեր, և այնքան, որքան կարող ես քայլել, գուցե այն աստղը կհայտնաբերես, որ մարդկանց համար բնավ

չի փայլել:

Գնա մի տարի, և երկու տարի, և այնքան, որքան կարող ես գնալ, և գնա նույնիսկ այն դժնի պահին, երբ որ քայլելն է թվում անհնար: Քայլի մի տարի, և միլիոն տարի, մինչև որ հասնես նախապատերիդ, մի գնահատիր ոչ անցած ճամփադ, և ոչ էլ չնչին արժեքը բեռիդ:

Եվ եթե հասնես նախապատերիդ, ուրեմն՝ մոտ ես և ապագային.-

քեզանից առաջ, նրանք շատ առաջ, բյուր դարեր առաջ ճամփա են ելել, և նրանք են, որ մոտիկ են արդեն ապագաներին բոլոր նոր ու հին:

Եվ եթե հանկարծ քո ճանապարհին նախապատերիդ դու չհանդիպես, ուրեմն՝ սխալ ճամփով ես գնում, և ոչ մի հրաշք չի փրկելու քեզ:

Ի ԳԻՏՈՒԹՅՈՒՆ ՄԱԳԻՍՏՐԱՏՈՒՐԱՅԻ ԴԻՄՈՐԴՆԵՐԻ

Մանկավարժական համալսարանի Ընդունող հանձնաժողովը հրապարակել է 2020-2021 ուսումնական տարվա առկա մագիստրատուրայի 1-ին փուլի արդյունքները, ըստ որի 217 դիմորդներից առկա ուսուցմամբ համակարգի մագիստրատուրայի անվճար համակարգ է ընդունվել 90-ը:

Անվճարի փուլը չհաղթահարած դիմորդները վճարովի ուսուցմամբ համակարգ ընդունվելու համար պետք է նորից ներկայացնեն դիմում-հայտ՝ <https://dimord.aspu.am/> կայքում:

Մեկնարկել է առկա և հեռակա ուսուցմամբ վճարովի ուսուցման համակարգի ընդունվելությունը՝ հուլիսի 6-ից մինչև օգոստոսի 24-ը՝ առկայի, մինչև օգոստոսի 25-ը՝ հեռակայի համար:

ԳԵՐԱԶԱՆՑՈՒԹՅԱՄԲ ԱՎԱՐՏՈՂՆԵՐԻ ԹԻՎԸ ԳԵՐԱԿՇՈՒՈՂ ԷՐ

Մանկավարժական համալսարանի Կուլտուրայի ֆակուլտետի պարարվեստի մանկավարժության ամբիոնի ղեկավարությամբ ամեն տարեվերջի ուսանողների ավարտական քննությունը ներկայացվում է խորեոգրաֆիկ հետաքրքիր լուծումներով հագեցած թեմատիկ պարային բեմադրություններով, որոնք ոչ միայն հանդիսատեսին հաճույք են պատճառում, այլև փաստում այն մեծ աշխատանքը, որ կատարվում է պարային բաժինը ընտրած ուսանողների հետ:

Երկիր մոլորակին պատուհասած աղետալի համավարակը փոխեց նաև բարձրագույն ուսումնական հաստատությունների գործունեության կանոնարկված ձևերը, չեղարկեց ավանդույթները՝ այդ ամենը տեղափոխելով առցանց հարթակ: Գաղտնիք չէ, որ կան մշակութային մասնագիտություններ, որոնք ներկայացնելը հեռավար կոչվող ձևաչափում կարծեք թե անհնար է պատկերացնել, բայց, ինչպես ասում են, համավարա-

րաստական աշխատանքը լավագույնս կազմակերպված էր. նախապես առցանց տեղադրված էին ուսանողների կողմից պատրաստված տեսաերկեր, անհմացիոն և նկարագրական աշխատանքներ: Խոսքս ոչ միայն քննությունների լավ կազմակերպմանն է վերաբերում, բովանդակային տեսանկյունից ևս աշխատանքները խրախուսման արժանի էին, ինչը ցույց էր տալիս ուսանողների մասնագիտական պատրաստվածության մակարդակը»,-ասում է Նաիրա Կիլիչյանը, ով ևս Կուլտուրայի ֆակուլտետի պարարվեստի բաժնի 1979-1983 ուստարվա շրջանավարտ է: Տարիներ հետո լինելով քննական հանձնաժողովի նախագահ՝ նա հպարտությամբ է խոսում հարազատ ֆակուլտետի և պարարվեստի մանկավարժության բաժնի, ուսանողների հետ տարվող ստեղծագործական աշխատանքների մասին: Նա հատկապես մատնանշում է մագիստրոսների աշխատանքներում ներկայացված պարար-



կը պարտադրեց անհնարը հնարավորին դարձնելու մեթոդներ գտնել:

ՀՊՄՀ Կուլտուրայի ֆակուլտետի պարարվեստի ամբիոնի վարիչ, մանկավարժական գիտությունների թեկնածու, պրոֆեսոր, ՀՀ արվեստի վաստակավոր գործիչ Կարեն Գևորգյանի հետ զրուցեցինք վերոհիշյալ հարցերի շուրջ՝ փորձելով տեղեկանալ պարարվեստի մանկավարժություն մասնագիտության այս տարվա շրջանավարտների քննական ձևաչափի ու արդյունքների մասին:

Այս տարի ամբիոնը ունեցել է առկա ուսուցման համակարգի 46, հեռակա ուսուցման համակարգի 35 և մագիստրատուրայի 11 շրջանավարտ: Կարեն Գևորգյանը տարեվերջյան արդյունքները բարձր գնահատեց, չնայած պարային բաժնի ավարտական կուրսի ուսանողների ներկայացման համար անսովոր պայմաններին:

Ավարտական ամփոփիչ ատեստավորման քննական հանձնաժողովը նախագահել է արվեստագիտության թեկնածու, պարարվեստի տեսաբան Նաիրա Կիլիչյանը, ով շատ բարձր գնահատեց քննությանը ներկայացված աշխատանքները:



«Պետք է ընդգծել, որ շատ տպավորված են համալսարանի պարարվեստի մանկավարժության ամբիոնի առկա, հեռակա և մագիստրատուրայի ավարտական կուրսերի ուսանողների ներկայացրած աշխատանքներից, հեռավար քննության կազմակերպվածությունից, դասախոս-ուսանող համատեղ աշխատանքի արդյունավետությունից և առհասարակ պարարվեստի մանկավարժության ամբիոնի աշխատանքից: Նախապատ-

վեստի ոլորտի մերօրյա խնդիրները, բակալավրիատն ավարտող ուսանողների ստեղծագործական միտքը ազգային ավանդական պարերի ուղղվածությամբ, հեռակա համակարգի ուսանողների՝ ոլորտային խնդիրների հանդեպ տարբեր ձևաչափերով նոր մոտեցումներ և փաստում ամբիոնի՝ տարիների տքնաջան աշխատանքը:

Այս տարվա ավարտական կուրսի ղեկավար Կարեն Գևորգյանն ափսոսանքով է խոսում դեռևս հունվարին Միեր Մկրտչյանի 90-ամյակի առթիվ խնամքով մագիստրատուրայից պարային խորեոգրաֆիկ մեծ աշխատանքի մասին. «Խոշոր շահուն» ֆիլմի հիման վրա ստեղծված պարային բեմադրության մեջ ավարտական կուրսի յուրաքանչյուր ուսանող իր առանցքային դերն ուներ՝ պարային կերպարի մատուցման առանձնահատկություններով հանդերձ, որը պետք է լրացներ ամբիոնի տարեվերջյան թեմատիկ ուղղվածությամբ խորեոգրաֆիկ ներկայացումների շարքը...»:

«Ներկայացումների հիմնական մասը նկարագրական էր. ուսանողների պաշտպանական թեգերը վերաբերում էին պարարվեստի հիմնախնդիրներին, այնուամենայնիվ, տեսագրված որոշ հատվածներ քննական հանձնաժողովին ներկայացվեցին տեսաերկերի միջոցով,- ասում է ամբիոնի վարիչը:- Իսկ գերազանցությամբ ավարտողների թիվը գերակշռող էր, որովհետև արդյունքների գնահատումը նոր բացահայտում չէր հեռավար քննության ընթացքում, դա ուսանողների՝ ուսումնական տարվա քրտնաջան աշխատանքի արդյունքն ու գնահատումն էր»:

Հուսամք՝ այս փորձությունը ազգովի կհաղթահարենք, և հաջորդ տարիներին պարարվեստի մանկավարժություն մասնագիտության շրջանավարտները բեմերի գեղեցիկ ու լուսավոր հարթակներից դասախոսներին ու հանդիսատեսին հպարտորեն կներկայացնեն բեմարվեստի իրենց գիտելիքներն ու վարպետությունը:



Շայ մեծ բանաստեղծ, ՀՊՄՀ շրջանավարտ Ռազմիկ ԴԱՎՈՅԱՆԸ 80 տարեկան է

Երեկ տխուր, այսօր ուրախ, Ալիքի պես ծափ են տալիս, Երեկ՝ դեպի անհայտություն, Այսօր դեպի ափ են գալիս:

Լուռ ժպտում են փոքր ու մեծին Կան ծիծաղում խենթի նման, Ինձ բաշխում են ավագներից Անապատի գետի նման:

Ինձ բաշխում են անմնացորդ, Իմ ժպիտներն ո՞ւր են տանում,- Ծիծաղիս մեջ ամեն անցորդ, Հոգնած հոգին է լվանում:

Վաղը երբ որ մշուշ լինի, Եվ արցունքներ ծնվեն ցավից, Գուցե մեկը փոքրիկ մի կայծ Ետ բերի ինձ իմ ծիծաղից:

Ոչինչ չեն հասկանում տագնապներից սրտիս, Արտիս թրթռներից ոչինչ չեն հասկանում, Մեկ նայում են ծովի տրտմությանը փափուկ, Մեկ լսում են ծովից վերադարձող քամուն. Են իմ սրտից, սրտիս տագնապներից անմիտ Ոչինչ չեն հասկանում, ոչինչ չեն հասկանում:

Իմ ուղեղի անծայր միրածի մեջ ընկած, Հստակ պատկերների իմացությամբ անգոր, Կույր աշխարհի հզոր անեզրության առաջ Ես՝ անհեթեթ, անմիտ, տառապում են այսօր - Էլ ո՞վ արդյոք ինձ նոր երազանքներ կտա՝ Իմ աննշմար աստղի ճառագայթին հասնող:

Ո՞վ կտա ինձ, էլ ո՞վ... Ինքս ինձ օրորելով, Քնեցնում են ծովի կապույտի մեջ անծիր, Եվ ես՝ կարոտների մի մանրամաղ թանձիվ, Ես ալիքից ալիք թռչկոտում են հերթով՝ Ինձ քարշ տալով լուսնի խոնավ արահետով:

Ոչինչ չեն հասկանում տագնապներից սրտիս, Ոչինչ չեն հասկանում.-

Սեր իմ, քո ամուրը վրաս սարսուռների Ոսկեղեղին մշուշ - մղեղներ է մանում, Սեր իմ, քո աչքերը իմ չարչարված հոգուց Համր թռչունների երամներ են հանում, Նրանք ճայերի պես ալիքներիս միջից Կարոտներիս ոսկե ձկնիկները մեկ-մեկ Կտցում են ու տանում:

Ո՞ւր են տանում, սակայն, սեր իմ, ո՞ւր են տանում, Ո՞ւր կարող են տանել, Երբ ամեն ինչ հիմա ամուր շղթաներով Բանտված է իմ հոգու մութ զնդանում, Երբ ամեն մի թողած հառաչանքիս դիմաց Հազար արծազանք են ետ ստանում:

Եվ ես հիմա նստած այս հեռավոր ափին, Դրիմյան այս այրված ու ծանձրալի հեռվում, Խրախճանքի ելած ամբիոնների միջով Քո հեռավոր ու պարզ տեսիլքին են մերվում:

Եվ շողի պես խոնավ շրթունքներիդ վրա Պսակում են բառերն անմեկնելի լույսով, Եվ ապրում են այսպես՝ անհեթեթ ու անմիտ՝ Ինչ-որ դատարկ մի օր էլ չապրելու հույզով:

Թբիլիսիի №131 ռուս-հայկական միջնակարգ դպրոցում աշխատել սկսել են 1995 թվականի հոկտեմբերից, երբ «Վրաստան» թերթի խմբագրությունում աշխատում էի վրացերեն-հայերենի թարգմանչուհի և խմբագիր Վան Բայրուրթի մի համեմարարությամբ գնացել էի նորաբաց հայկական դպրոցի միջոցառումներից մեկի մասին նյութ բերելու: Այդ ժամանակ Թբիլիսիի «Աֆրիկա» կոչված ծայրամասի հայաստան թաղամասում, 1965 թվականից գործող ռուսական դպրոցին կից, մի խումբ հայրենասերների համար ջանքերով, որոնցից հատկապես հարկ է նշել Վան Բայրուրթին, Սամվել Պողոսյանին և երջանկահիշատակ Երջանիկ Ղանդիյանին, ովքեր տնտեսում էին շրջում և հայկական բաժնի համար երեխաներ հավաքագրում, արդեն 1991 թվականին Վրաստանի առաջին նախագահ Ջվիդա Գամսախուրդիայի օրոք և նրա անմիջական թույլտվությամբ բացվել և գործում էր հայկական բաժնի 1-4-րդ դասարանները:



յին կյանքի մասին ստեղծել են իմ նկարահանած տեսահոլովակների և լուսանկարների հսկայական հավաքածու: Ջբաղվում են մաթարգմանչական գործով՝ վրացերենից և ռուսերենից հայերեն թարգմանում դասագրքեր, գրական, կրթական և իրավաբանական բնույթի հոդվածներ:

2012 թվականին ՀՀ սփյուռքի նախարարության և Համաշխարհային հայկական կոնգրեսի կողմից պարգևատրվել են դիպլոմով «Հայաստանի համայնքում գործում ունեցած նշանակալի ավանդի համար» և «Մայրենի լավագույն ուսուցիչ» անվանակարգում ստացել երկրորդ կարգի մրցանակ: Բազմիցս պարգևատրվել են պատվոգրերով և շնորհակալագրերով, ինչպես Հայաստանի, այնպես էլ Վրաստանի ԿԳ նախարարությունների համապատասխան կառույցների կողմից, որոնք ոգևորում, նոր լիքը ու եռանդ են հաղորդում, երբ գնահատվում է աշխատանքը...

նաև հետաքրքիր հանդիպումներ և ընդհանրական դասախոսություններ պետական գործիչների, բարձրաստիճան պաշտոնյաների, ժամանակակից գրողների, մանկագիրների, մշակույթի գործիչների հետ, իսկ դասախոսություններից հետո կան համգայտյան օրերին այցելում էինք Հայաստանի տեսարժան վայրեր:

Իր դերն ուներ մաթարքեր վայրերից ժամանած մասնագետների փորձի փոխանակումը, միմյանց հետ ծանոթացումն ու բարեկամական նոր կապերի ստեղծումը աշխարհասփյուռ հայության հետ: Դասընթացների ավարտին էլ մեզ հանդիսավոր հանձնում էին համապատասխան հավաստագրեր, ուսումնանթողական և գեղարվեստական գրականություն, մեթոդական ձեռնարկներ, խտասալիկներ, ծայրերիցներ և այլ հուշավերքեր: Այնուհետև, այս ամբողջ տեսածն ու լսածը մենք փոխանցում էինք մեր աշակերտներին:

Սակայն, տարիների հետ շատ բան փոխվեց... 2012 թվականից 20-ամյա պատմությամբ մեր դպրոցը «վերակազմավորման» ենթարկվեց, և փակվեցին հայկական և ռուսական բազում դպրոցներ: Մեր մեծ աշակերտություն ունեցող դպրոցին միացրին № 205 փոքրբանակ վրացական դպրոցը, և մեր աշակերտների մեծ մասը ստիպված էր հայկական №104 կամ ռուսական դպրոց տեղափոխվել՝ կտրելով երկար տարածություն: Մի մասն էլ նախընտրեց ուսումը շարունակել դարձյալ №131 դպրոցի իր նույն դասարանում, սակայն ուսումը շարունակելով վրացերեն, առանց տարին կորցնելու...

Ռևուզի դիմանկար. Մանանա Կարապետյան

Հայկական սփյուռք. կյանքը ինչպես որ է...

Երկրորդ դասարանի դասվար Վարդ Կարապետյանը, առողջական խնդիրների պատճառով, անհապաղ պետք է թողներ իր դասարանը և ինձ թախանձագին խնդրեց փոխարինել իրեն: Ես այդ ժամանակ համապատասխան մանկավարժական կրթություն չունեի, թեև 1976 թվականին գերագույն առաջադիմությամբ ավարտել էի Թբիլիսիի № 40 հայկական միջնակարգ դպրոցը, այնուհետև 1982 թվականին ավարտել Թբիլիսիի Իլիա Ճավճավաձեի անվան օտար լեզուների պետական մանկավարժական ինստիտուտի երկամյա դասընթացները, ինչպես նաև 1982-1988 թվականներին սովորել և ավարտել էի Լենինգրադի «Պատվոց մշակույթ» դասընթացի Բարձրագույն արհմիութենական մշակույթի դպրոցը՝ մշակութային-լուսավորչական աշխատանքների



Անառային արձակուրդներին սփյուռքում աշխատող հայ ուսուցիչների համար ամենամեծ լիցքը և ամենահագեցած հանգիստը տալիս էին այն միջոցառումները, որոնք անց էին կացվում Հայաստանում, թեև ոչ հեղինակալից, տապ օրերին, բայց աշխարհի բոլոր ծայրերից մեկտեղ հավաքված հայ կրթական ոլորտի աշխատակիցների, լավագույն դասախոսների, դպրոցների տնօրենների, ուսուցիչների, մշակույթի գործիչների մասնակցությամբ՝ փորձի մեծ փոխանակության մթնոլորտում:

Ամենուրեք էլ են հատկապես ՀՀ նախկին ԿԳ նախարարության կողմից հաստատված ծրագրերով, Խաչատուր Աբովյանի անվան հայկական պետական մանկավարժական համալսարանի «Սփյուռք» գիտատեսական կենտրոնում անցկացվող դասընթացները (տնօրեն՝ պրոֆեսոր Սուրեն Դանիելյան), որտեղ պարապմունքներ ընթանում էին մի քանի խմբերում և նպաստում մեր գիտելիքների հարստացմանը հայոց լեզվի, գրականության, մանկավարժության, հոգեբանության, պատմության, աշխարհագրության կրոնի, մշակույթի՝ կերպարվեստի, երաժշտության, ազգային պարերի, հայ թատրոնի, ազգային ավանդական ծեսերի, դասավանդման մեթոդիկայի վերաբերյալ, գիտում մեզ նոր, անհրաժեշտ գիտելիքներով, լրացնում մեր գիտելիքների պակասը, սպառիչ պատասխաններ տալիս մեզ հուզող հարցերին: Դասախոսությունները վարում էին դոկտոր, պրոֆեսորներ, հայկական բուհերի առաջատար դասախոսներ, գիտաշխատողներ, մասնագիտական գրքերի հեղինակներ, որոնց հետաքրքիր դասախոսությունները, անգամ երևանյան այն շոգ օրերին, ընկալվում էին մի առանձին հետաքրքրությամբ: Սիրով ուզում են թվել մի քանի անմոռաց անուններ՝ Սուրեն Դանիելյան, Ջուլիետա Գյուլամիրյան, Ալեքսանդր Դուրյանյան, Անահիտ Մկրտչյան, Դավիթ Գյուրջիյան, ակադեմիկոս Վլադիմիր Բարխուդարյան, պրոֆեսոր Յուրի Յուզբաշյան, Կամո Վարդանյան, Գագիկ Գինոսյան և քանի-քանի լավագույն դասախոսներ, բոլորին թվելն անկարելի է, սակայն խորին շնորհակալություն բոլորին՝ իրենց ներդրած ավանդի համար:

Դասընթացներին հաճախ կայանում էին



բարձրորակ կազմակերպիչ-մեթոդիստի մասնագիտությամբ, նաև ավարտել էի Երմիտաժի կից գործող Կերպարվեստի ժողովրդական համալսարանի ազատ ունկնդրի եռամյա դասընթացները:

Ես հանձն առա հայկական բաժնի տարրական դասարանի դասվարությունը, սակայն դպրոցի աշխատանքին զուգահեռ, որոշեցի 1996 թվականին ընդունվել և 2001 թվականին կարմիր դիպլոմով ավարտեցի Թբիլիսիի Սուլիսան-Սարա Օրբելիանու անվան պետական մանկավարժական համալսարանի վրաց բանասիրության ֆակուլտետը՝ հայոց լեզվի, գրականության և վրաց լեզվի, գրականության ուսուցչի մասնագիտությամբ: Արդեն լիիրավ կարող էի աշխատել իմ սիրած մասնագիտությամբ՝ գիտելիքներ փոխանցել և կրթել մեր դպրոցի հայ մանուկներին, նրանց մեջ հայրենասիրություն սերմանել: Մինչև 2011 թվականը հայոց լեզու, գրականություն, վրաց լեզու գրականություն, պատմություն, Հայ եկեղեցու պատմություն և այլ հումանիտար առարկաներ են դասավանդել իմ դպրոցի միջին և բարձր օղակներում, իսկ 1999 թվականից մինչև 2001 թվականը ստանձնեցի նաև նույն դպրոցի դաստիարակչական գծով փոխտնօրենի պաշտոնը, որից սակայն ստիպված էի հրաժարվել իմ ընտանեկան դժբախտության՝ ամուսնու անժամանակ մահվան պատճառով, ինձ պահելով միայն հայ ուսուցչի և դասվարի աշխատանքը:

2003 թվականից մեր դպրոցում հիմնեցի և մինչև 2010 թվականը լույս ընծայեցի դպրոցական հայաստան «Զրուցակից» ամենամյա

պարբերաթերթը, որի էջերում մեր դպրոցի առօրյան, աշակերտների առաջին թթովանքները, քաղաքի և անգամ Հայաստանի հետ ունեցած մեր կապերն էինք լուսարանում: Մեր դպրոցի շրջանավարտներն աչքի էին ընկնում բարձր առաջադիմությամբ, 2008 թվականին մեր հինգ շրջանավարտներից երեքն ստացան ոսկե մեդալ, քիչ չէր նաև զանազան բուհերում ուսումը շարունակող մեր շրջանավարտների թիվը: Մատաղ սերնդի հայեցի դաստիարակմանը, հայրենասիրության և հայապահպան գործունեության ծավալմանը խորապես նպաստեցին Հայաստանում անցկացվող սփյուռքահայ ուսուցիչների վերապատրաստման դասընթացները, որին ես առաջին անգամ մասնակցեցի 2005 թվականին, Մայր Աթոռ Սուրբ Էջմիածնի հովանավորությամբ, ՀՀ ԿԳ նախարարության և Կրթության ազգային ինստիտուտի համատեղ ջանքերով: Այնուհետև գրեթե ամեն տարի աշխատել են բաց չթողնել ոչ մի միջոցառում, որն անց էր կացվում Հայաստանում սփյուռքահայ դպրոցականների Համահայկական օլիմպիադա և հայագիտական գիտելիքների մրցույթ, «Մեկ ազգ, մեկ մշակույթ» փառատոն, Համահայկական խաղեր, ինչպես նաև «Արի տուն», «Ամառային դպրոցի դասընթացներ», «Համահայկական կրթական խորհրդածողվներ», «Լրագրողների խորհրդածողվներ» և մասնակցել սփյուռքահայ ուսուցիչների վերապատրաստման գրեթե բոլոր դասընթացներին, վերջինը՝ 2017 թվականին: Այս ամենի, ինչպես նաև վերահայ համայնքի վերջին 2-3 տասնամյակների կրթական և մշակութա-

մասնակցել ուսուցիչների աստեղավորմանը և քննություններ հանձնել, համապատասխան հավաստագրեր ստանալ՝ դպրոցում վրացերենով աշխատանքը շարունակելու համար: Ես 2013 թվականին վրացերենով հանձնեցի մանկավարժական հանությունների, 2015 թվականին կերպարվեստի ուսուցչի, 2016 թվականին օտար լեզվի՝ ռուսերենի և նույն թվականին վրացերենը որպես երկրորդ լեզու առարկայական քննությունները: 2015 թվականից ինձ շնորհվել է ավագ ուսուցչի կարգավիճակ՝ աշխատավարձի համապատասխան բարձրացումով: Այնպես որ, ես դեռ շարունակում եմ մնալ իմ հարազատ № 131 դպրոցում, թեև տարիքս արդեն մոտեցել է կենսաթոշակայինին, սակայն ինձ փոխարինող նոր ուժերը դեռ մեր դպրոց մուտք չեն գործել... Ես էլ այստեղ անելիքներ դեռ շատ ունեմ, դեռ փայլալույս են այն երազներս, որ մի օր դարձյալ մեր դպրոցի հայագի աշակերտները, որոնք դեռ հիմա էլ զգալի թիվ են կազմում, կվերադառնան իրենց արմատներին, գոնե մեկ ժամ՝ հայերեն գրել-կարդալ կսովորեն...

Ես շարունակում եմ դիմել տարբեր միջոցների, սակայն խոչընդոտները դեռևս անհաղթահարելի են: Ինձ մնում է միայն արվեստի իմ ժամերին և դասերից դուրս՝ աշակերտներիս չկտրել հայ մշակութային կյանքից, իրենց արմատները ճանաչելուց, իսկ այլազգի աշակերտներիս մոտ սեր և հարգանք առաջացնել հայ ընկերների նկատմամբ, ժամոթացնելով նրանց հայ մշակույթին: Ես մեծ հույսեր եմ կապում նաև 2009 թվականից Երևանի Ջոն Կիրակոսյանի անվան № 20 դպրոցի հետ կնքած մեր «Զույր դպրոցներ» կարգավիճակը խթանելու, մեր հայ-վրացական դպրոցների միջև բարեկամություն ամրապնդելու ուղղությամբ ծրագրերի իրականացման հետ, որով բազմիցս դիմել եմ համապատասխան կառույցներին, բայց դեռ սպասում եմք հիմնախնդիրների լուծմանը, ինչպես նաև ներկա իրավիճակի շուտափույթ կարգավորմանը:

Մանանա ԿԱՐԱՊԵՏՅԱՆ
Թբիլիսիի № 131 հանրային դպրոցի ավագ ուսուցչուհի, դպրոցի Գեղագիտության և սպորտի ամբիոնի ղեկավար Կրաստան

Մարդու էությունը կազմում են անթիվ-անհամար մասնիկներ՝ հասկացություններ, զգացողություններ, մտքեր, պատկերացումներ, ծայներ, գույներ, բույրեր, պատկերներ, տպավորություններ, համոզիպումներ, ապրումներ, զգացմունքներ, սպասումներ, մարդիկ, իսկ ավելի ճիշտ՝ նրանց էությունների՝ քեզ վրա ունեցած-թողած ազդեցությունները...

Դրանք ամբողջ կյանքի ընթացքում հավաքվում են, հարազատանում, դառնում միաձուլյալ ու անբաժանելի էություն՝ դու: Եվ այս կյանքում ոչ ոք չի կարող լիովին ճանաչել այդ էությունը, որը գտնվում է չզհիտեն որտեղ՝ սրտո՞ւն, մտքո՞ւն... արդյոք դա հոգի՞ն է... չզհիտեն, բայց դա դու ես՝ եզակի՞ միակը... Եվ այդ էության մեջ գտվում-պահվում է քեզ համար ամենաթանկը. և դա միայն քոնն է, և դա՛ ես դու...:

Շվեյցարական փոքրիկ քաղաքում են, որի անունը ֆրանսերեն հնչում է «Ֆրիբուրգ», գերմաներեն՝ «Ֆրայբուրգ»: Լեռների սրտում ամբողջությամբ թավշական անտառներով ծածկված լանջերին տեղավորված գողտրիկ քաղաք է Ֆրիբուրգ-Ֆրայբուրգը, որը ծորում հանդարտահոս գետով բաժանվում է ֆրանսիական և գերմանական մասերի, սակայն հենց նույն տեղում էլ հին, նոր ու նորագույն կամուրջներով անմիջապես միավորվում է մեկ շնչով ու ռիթմով ապրող քաղաքի...:

Վաղեմի բարեկամներիս հետ (մեր բարեկամությունը՝ միմյանց նկատմամբ բարի կամքն ու կամեցողությունը, 18 տարվա ամրություն ունի) քայլում-թափառում ենք հին քաղաքի գողտրիկ փողոցներով, ու թվում է՝ ամենևին էլ 21-րդ դարում չեն, այլ ժամանակային, տարածական, մշակութային բոլորովին ուրիշ հարթությունում՝ հեռու ամեն տեսակ պատերազմներից, քաղաքական աղբից, մարդկային արատներից ու ողբերգություններից... Ուրիշ մի աշխարհ է, որի փողոցային ամեն մի անկյունաքարծից հետո նոր՝ մյուսներից բոլորովին տարբեր փոքրիկ հրապարակ կամ նեղիկ մի փողոց է բացվում հայացքիդ հեռանկարում, որը իր գաղտնիքն ունի... Եվ ամենից շատ հենց այդ «հեռանկարով» փողոցներն են սիրում՝ շատ նեղիկ, դարձործուններով փողոցները, որոնց մյուս ծայ-



ԻՄ ԱՐԱՐԱՏԷ

րը չի երևում, սակայն շենքերի անկյունապատերի, պատշգամբների, լուսամուտների ու տանիքների միախուլված ու չավարտվող մի հեռապատկեր է նկարվում հայացքիդ մեջ, որը բարձրանալով՝ բացվում է դեպի երկնքի կապույտը ծգվող աշտարակներով... Իսկ ներքևում մեկը կանգնած ծխում է (տեսնես ի՞նչ է մտածում...), մի ուրիշ տեղ երկու հոգի գրուցում են... մի կատու՝ իր գործերին հետամուտ, ծուլորեն անցնում է կողքով... ու ծաղիկներ, ծաղիկներ, անհամար ծաղիկներ ամենուր...:

Նայում են աջ ու ձախ՝ փորձելով այս ամենը հիշողությամբ մեջ լուսանկարել, պահել-կուտակել... Համակարծիք հայացք կարդում է «Արարատ»... հայ մարդու էության մի մասնիկը կազմող այս անուն-պատկերը, բնականաբար, վայրկենաբար արձագանքում է մտքումս ու սրտումս, և աչքերս սկսում են որոնել հայի ու հայկականության ներկայության այլ հետքեր և: Ինչպե՞ս, հա՞յ. այս ուրիշ ժամանակներում, ուրիշ աշխարհում, ուրիշ հարթության մեջ... հա՞յ... Ահա՛, հիմա հերթական անգամ կկատարվի այն, ինչ կատարվում է, երբ օտար աշխարհում «հայը հանդիպում է հային»: Լուռ է համայն տիեզերքը ու հետևում հայի տիեզերքին, որ բաց-

վում է, երբ օտար հողում «հանդիպում են հայը ու հայը»...

Ու մինչ ես հայացքով տեսնագին փնտրում եմ իմ հայկականությունը, բարեկամուհիս բարձրածայն կարդում է փակ դռան ապակու վրա գերմաներեն գրվածը: Այդ ամբողջ շղթայից ուղեղիս



մեջ մի բառ է մեխվում՝ «Անատոլիա» կամ «անատոլիական»... որը սրտումս ծնում է անհասկանալի, մինչ այդ չապրված ու անծանոթ զգացում... դրա ինչ լինելը չզհիտեն և անվանել չեն կարողանում դեռևս...:

Ոչինչ չեն ասում, շարունակում ենք քայլել (տեսնես Ռուբսին ի՞նչ մտածեց այն պահին, երբ ծայնիս ու հայացքիս մեջ բոցավառված ոգևորությունը հանկարծ ընդհատվեց)... Այլևս ոչինչ չեն տեսնում, բայց մտապատկերներիս խառնաշփոթի մեջ մեկիկ-մեկիկ վերականգնվում ու զնահատվում են տեսածիս պատառիկները... Փաստորեն, ես հայկական ոչինչ չէի տեսել. տառերը, որոնցով գրված էր անունը, հայերեն չէին. այո՛, դրանք, անշուշտ, լատինական տառեր էին, բայց այնքա բոլորովին «հայերեն» չէին ոչ իրենց ձևով, ոչ շնչով, ոչ տրամադրությամբ... ոչ մի հարազատ բան չկար այդ գրառման մեջ, այդպիսի տառատեսակով ոչ մի անգամ «Արարատ» գրված չէի տեսել. ամեն ինչ օտար ու խորթ էր այդ բառապատկերի մեջ...:

Հետո մտքումս վերականգնվեց սարի պատկերը... սա նույնպես մեր Արարատի՛ իմ Արարատի հետ ոչ մի առնչություն չունեմ, և ամենևին էլ ոչ այն պատճառով, որ, անշուշտ, դիտված էր հակառակ կողմից, և սարերի հաջորդականությունը պետք է որ տարբեր լիներ, ոչ, դա բոլորովին ուրիշ սար էր, և ես չէի ճանաչում այդ սարը, ահա թե ինչու՛ չէի տեսնում իմ սարը, երբ հայացքով հայկականություն էի փնտրում...:

Քայլում եմ լուռ, բայց գլխումս աղմուկ է, մտքերս՝ խռնված, կամաց-կամաց պարզվում են, ու հասկանում եմ, որ էությունիցս ինչ-որ շատ բան ու նվիրական բան են կորցրել... մի տեսակ կողոպուտված, թալանված եմ կարծես... որովհետև Արարատից ինձ մնացել է միայն ծայնը՝ բառի հնչապատկերը...:

Հիմա երևանում են, սա իմ տունն է, և Արարատը ամուր-ամուր գրկել-պահել եմ հայացքիս մեջ...
2018 թ.

Լիլիթ Տեր-Գրիգորյան
Բանասիրական գիտությունների թեկնածու, դոցենտ

ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԸ ԴԱՐՁԱՒ ԱՆԿԻՒՆԱԴԱՐՁԱՅԻՆ ՈՐՈՇՈՒՄ

Քանի մը օր առաջ ստացայ նամակ մը հալեպահայերու քաջ ծանօթ «Հայագիտական ամսագրի» շատ սիրելի դասախոս Տիկ. Ջուլիթային, եւ յիշողութիւններս զիս տարին 1994 թուական...

Սուրիոյ ուսումնական համակարգը տասներկու տարի է, որուն աւարտին աշակերտը պարտի յանձնել պետական քննութիւններ եւ ըստ այդ քննութիւններուն արդիւնքին կրնայ ընդունուիլ այս կամ այն համալսարանը: Ինձի բաժին ինկաւ ուսումնարան մը: Ինձ երազանքս Հայաստան երթալ ու հայոց լեզու եւ գրականութիւն ուսանիլն էր: Բայց այդ օրերուն երազանքս որքան անիրականալի կը թուէր ըլլալ: Ընտանիքիս նիւթական պայմանները երբեք չէին ներեր: Այդ պատճառով իսկ ընդունուեցայ պետական ուսումնարան, բայց եւ այնպէս ներքուստ կը զգայի, որ օր մը պիտի կարենամ իրականացնել այն ինչ կ'երազէի, բայց ինչպէ՞ս ես ալ չէի գիտեր:

Սուրիահայ միութեան կառոյցները իրենց գոյութեան առաջին օրէն նպատակ ունեցած են հայապահպանման գործը. «Համազգայինի» Հայագիտական ամսագրը՝ անվարանօրէն կարելի է սեպել մեր գաղութի պատմութեան ամենէն յաղթական իրագործումներէն մէկը: Կառոյց մը, որ մինչեւ օրս, այս դժուարին պայմաններուն մէջ դեռ կը շարունակէ գոյատեւել: Անոր շրջանաւարտները ոչ միայն իրենց ստացած ուսումով կրցան ծառայել սուրիահայ հայկական դպրոցներուն, այլ նաեւ պատերազմական դժոխակ պայմաններուն բերումով ստիպուեցան գաղթել՝ ծաղկեցնելու այլ գաղութներ եւ նպաստել ամուրց գոյատեւման: Փառք ու պատիւ սոյն հիմնարկի հիմնադիրներուն, որով-

հետեւ անոնց այս փայլուն նախաձեռնութիւնը մեծ թիւով երիտասարդներու անիրական թուացող երազանքը դարձուց իրականութիւն:

Հայաստան հայագիտական կրթութիւն ստանալ ուզող, բայց միւթական հնարաւորութիւն չունեցող երիտասարդներուս համար «Համազգայինի» Հայագիտական Հիմնարկը՝ հնարաւորութիւն մըն էր:

Որքան ուրախ օր մըն էր ինձի համար, երբ լսեցի, որ Համազգայինը բացած է քառանկալ Հայագիտական ամսագրի մը: Հալեպահայ գաղութը հարուստ էր իր մտաւորականներու հոյլով, որոնք կը կազմէին այդ հիմնարկի դասախօսական կազմը եւ իրենց գիտելիքներով առաւել փայլք ու հմայք պիտի տային սոյն հիմնարկին:

Որոշեցի իմ վաղեմի երազանքս հետապնդել եւ հետեւիլ անոր դասընթացներուն:

Հայագիտական ամսագրի քառանկալ դասընթացներուն աւարտին, երբ արդէն կը կարծէի, որ երազանքս իրականացած էր ու պիտի բաւարարուի «Համազգայինի» Հայագիտական ամսագրին»-ի վկայականով ու շարունակեմ, արդէն ուսանողական երկրորդ տարին սկսած իմ ուսուցչութեան ասպարէզս, պատահեցաւ հետաքրքրական եւ յոյս ներշնչող նորութիւնը: Հայագիտական ամսագրեց ստորագրեց պայմանագիր մը Խաչատուր Աբովեանի անուան մանկավարժական համալսարանին հետ, ըստ որուն Հալեպի քառանկալ դասընթացը աւարտած իւրաքանչիւր ուսանող կրնար իր ուսումը շարունակել Հայաստանի Մանկավարժական համալսարանին մէջ:

2006-ի ամառը եկայ Հայաստան մասնակցելու «Սփիւռքահայ Ուսուցիչներու Վերապատ-



րաստման դասընթացներուն» ու դասընթացի աւարտին արդէն որոշում կայացուցած էի օգտուիլ մեզի ընձեռնուած առիթէն եւ այս անգամ ուսումս շարունակել Երեւանի մէջ:

Թէ ի՞նչ տուաւ Խաչատուր Աբովեանի մանկավարժական համալսարանը ինձի:

Շատ պարզ կրնամ պատասխանել. ան երազանքս իրականութիւն դարձուց:

Երեւանի մէջ համալսարանական կրթութիւնը շարունակելու մեր որոշման մէջ մեծ դեր խաղցաւ տիկին Ջուլիթային: Ան մեծ քաջալերող մը եղաւ ինձի եւ ընկերուհիներուս: Հարազատ մօր պէս հոգ կը տանէր մեզի, որպէսզի երբեք օտար չզգայինք: Բայց ո՞վ կը ստիպէր մեզ օտար զգալ: Բոլորը բարեհամբոյր էին՝ սկսած այն օրերու ռեթթրէն մինչեւ համալսարանի բոլոր պաշտօնեաներն ու դասախօսները: Յիշողութիւնս ինձի կը դաւաճանէ այս պահուն բոլորը մեկիկ-մեկիկ յիշելու: Բայց եւ այն-

պէս գիտեն, որ բոլորը անխտիր կը փորձէին մեզի օգնութեան ձեռք մեկնել ու յարել յառաջացած իւրաքանչիւր դժուարութիւն:


Մեծ յուզումով կը յիշեմ այն դասախօսները, որոնք լսարան մտնելով երբ կ'իմանային մեր սփիւռքահայ հայրենաւանդ ուսուցչուհիներ ըլլալը, այնպիսի խրախուսող եւ զգայաշունչ խօսքեր կ'արտասանէին՝ վեր առնելով սփիւռքի մէջ մեր տարած աշխատանքը, որ չուզուի կարելի չէր: Քանի-քանի անգամներ պատկարելի դասախօսներ մեր ձեռքերը թօթուելով ըսած են, թէ ինչ կարելի է սորվեցնել սփիւռքի մէջ այդպիսի նուիրական աշխատանք տանող ուսուցիչին: Այս պահուս այս տողերը մտաբերելու եւ թուղթին յանձնելու ժամանակ իսկ կը յուզուիմ, երբ յիշեմ նման խրախուսական խօսքերը:

Եւ ահա առիթ ստեղծեց չարտասանուած երախտիքի իմ խօսքս ուղղելու >5



ՆՐԱ ԵՐԱԶԱՆ-ՔՆԵՐԻ ՄԱՍՆԱԳԻՏՈՒԹՅՈՒՆԸ. ՍԱՄՎԵԼ ՊԻՊՈՅԱՆ

Բնության մեջ շատ են տարբեր տեսակի կենդանիները, որոնք շրջապատում են մարդուն և յուրահատուկ դարձնում մեր մոլորակը: Ոմանց համար նրանք հետաքրքիր են, ոմանց համար՝ փոքր-ինչ վախեցնող, բայց և կան մարդիկ, ովքեր ապրում են այդ ամենով: Նրանց ուրախություն է պարզապես ամեն մի նոր տեսակի հայտնաբերումը, թվաքանակի ավելացումը, առավել լավ ուսումնասիրումը, բայց և տխրեցնում է նրանց ոչնչացումը:



Յետազայում, վարչական աշխատանքին զուգահեռ, 1994 թվականին աշխատանքի է անցել Խաչատուր Աբովյանի անվան հայկական պետական մանկավարժական ինստիտուտում (այժմ համալսարան): Առ այսօր նա աշխատում է սիրելի բուհում, իսկ վերջերս էլ ընտրվել է Կենսաբանության, քիմիայի և նրանց դասավանդման մեթոդիկայի ամբիոնի վարիչ:

Այո՛, կան մարդիկ, ովքեր կենդանաբանությունն ընտրել են որպես իրենց կյանքի և սրտի մասնագիտություն և, կարելի է ասել, ապրում են այդ ամենով: Նրանցից մեկն էլ իր ուսանողների կողմից շատ սիրված և հարգված դասախոս Սամվել Պիպոյանն է. ով դեռ երեք տարեկանից վստահ էր իր մասնագիտության ընտրության հարցում, ունեյր իր երազանքների մասնագետի մոդելը և մինչ օրս ձգտում է հասնել դրան՝ ամեն օր ավելի կատարելագործվելով և մեկ քայլ ևս առաջ շարժվելով:

Երազանքների իրագործման ճանապարհն սկսել է ԵՊՀ Կենսաբանության ֆակուլտետում սովորելով, նաև այստեղ ավարտելով ասպիրանտուրան: Սակայն ԽՍՀՄ փլուզումից հետո, հակառակ իր մեծ ցանկության, աշխատանքների բացակայության պատճառով անմիջապես չի կարողացել աշխատել սիրելի մասնագիտությամբ: Առաջարկ ստանալով ՀՀ բարձրագույն կրթության և գիտության նախարարությունից՝ 1991 թվականից աշխատանքի է անցել միջին մասնագիտական կրթության վարչությունում, ուր աշխատել է շուրջ 20 տարի:

Սամվել Պիպոյանին հաջողվել է կրթության ոլորտի երկու ասպարեզներում էլ լավագույններից մեկը լինել: Իսկ տարիների ընթացքում կարողացել է ստեղծել դասախոս լինելու իր բանաձևը՝ դա ասպարեզներով ինչպես տեսականորեն, այնպես գործնականում: Ըստ նրա, դասախոսը պետք է ունենա անսահման սեր դեպի ուսանողը և իր առարկան: Բացի այդ, դասախոս լինելը չի ենթադրում միայն դասախոսություն կարդալ և դասն ավարտվելուն պես ցատկոտնալու և դասն և հեռանալ: Դասախոսը պետք է կարողանա բացահայտել ուսանողի էությունը, բոլոր դեպքերում հաշվի առնել նրա կարծիքը ու ցանկությունները, ստեղծել փոխադարձ հարգանքի և վստահության մթնոլորտ:

Դե, իսկ իր ուսանողներն էլ ժամանակի ընթացքում կարողանում են վերլուծել լավագույն ուսանող լինելու բանաձևը, որն էլ ըստ Սամվել Պիպոյանի արտահայտվում է հետևյալ մոտեցումներում. առաջին հերթին ուսանողը պետք է գիտակցի, որ եկել է սովորելու, դասի ընթացքում նյութը յուրացնելու, դասախոսին հարցադրումներ ուղղելու, դասախոսին հնարավորություն տալու և օգնելու սեփական կարողությունների զարգացման գործում: Սամվել Պիպոյանի խորին համոզմամբ՝ լսարանում պետք է պահպանվի դասախոս-ուսանող սահմանը: Լսարանում բոլոր ուսանողներին պետք է հավասար վերաբերվել:

Իսկ ցանկացած ուսանող էլ իր հերթին պետք է կարողանա ընթանել լսածը, հարցերով խորացնել հասկացածը և սեփական աշխատասիրության շնորհիվ ստեղծել մնայուն գիտելիք: «Իմ ուսանողները իմանալով և աղջիկներ են: Բայց չեն հավանում այն ուսանողներին, ովքեր միայն արտաքինապես են գեղեցիկ: Արտաքին գեղեցկությունը սկսում է խամրել, երբ հոգին ու միտքը դատարկ են: Գեղեցիկ է այն աղջիկը կամ առհասարակ այն մարդն, ով արտաքին գեղեցկությունից զատ օժտված է հոգևոր և մտավոր գեղեցկությամբ: Յենց այդ երեք գեղեցկությունների համադրումից է ստեղծվում իրական գեղեցկությունը»,- գեղեցիկի մասին իր ընկա-

լումներն է ներկայացնում մեզ սիրելի դասախոսը:

Առաջին հայացքից խիստ և պահանջկոտ, սուտն ատող այս մարդու մեջ շատ ավելի կա, քան տեսնում են շատերը: Նա օժտված է մի յուրահատուկ տաղանդով, որի շնորհիվ կարողանում է հավասարապես տեսնել բոլոր ուսանողների հետ կատարվող երևույթները, հետաքրքրվել ու փորձել օգնել հնարավորի սահմանում և անգամ իր փոքր, բայց կարևոր խորհուրդներով մեծ գաղափարներ արթնացնել ուսանողների մեջ:

Մենք հասկանում ենք, որ լավագույն դասախոսները խիստ և պահանջկոտ են լինում, և որ, ինչպես մեր դասախոս Սամվել Պիպոյանն է ասում, գիտելիք տալու գործընթացում պետք չէ բարի լինել, այլ հնարավորինս խիստ և պահանջկոտ, բայց և անհրաժեշտ է հարգալից լինել ուսանողի նկատմամբ:

Նման դասախոսները քեզ սովորեցնում են մշտապես փնտրել ավելին, չբավարարվել իմացածով, ինքնակրթվել ու զբաղվել ինքնազարգացմամբ:

Երբեմն այդ ճանապարհը կարող է դժվար ու փշոտ թվալ, բայց միշտ պետք է հիշել, որ հաջողության հասնելու ճանապարհները երբեք հարթ չեն լինում, որ անընդհատ այդ ճանապարհն անցնելով ու ինչ-որ բան որոնելով, մի օր կհասնես ավելիին, քան փնտրում էիր... Եվ միայն այդ ժամանակ կարող ես մի պահ շրջվել ու թռուցիկ հայացք զցել անցած ճանապարհի վրա և ասել ամենակարևոր բառը՝ շնորհակալություն: Չէ՞ որ այդ մարդկանց շնորհիվ ենք տարիներ շարունակ կրթվում և գիտելիքի անսպառ սերմերը տարածում սերնդեսերունդ:

Մարիամ ՍԱՐԳՍՅԱՆ
Կենսաբանության, քիմիայի և աշխարհագրության ֆակուլտետի Լրատվական հանձնաժողովի ղեկավար

ՄԱՆԿԱԿԱՐԺԱԿԱՆ ՀԱՄԱԼՍԱՐԱՆԸ...

➤4 Խաչատուր Աբովյանի անունով մանկավարժական համալսարանի ղեկավարության, որ միշտ սփիւռքի կողքին է:

Չափազանց է, որ Սփիւռքը առանց հայրենիքի չի կրնար գոյատևել: Սփիւռքահայ գաղութները իրենց լայն հնարավորություններով և կարողություններով կը գործեն յանուն մեկ նպատակի, սակայն ամուց գոյութան ամենէն մեծ գրաւականը հայրենիքի գոյութիւնն է:

Յաւօք սրտի մայր գաղութը այսօր բռնած է նօսրացման ճամբան: Տասնեակ հայկական դպրոցներ, ակումբներ ու եկեղեցիներով լեցուն քաղաքին մէջ հայութեան թիւը նուազած է: Նախքան պատերազմը հալէպահայութեան մտահոգութիւններու ծիրէն ներս չէր մտներ երբեք ծովունը: Բոլոր հայ երեխաները կը յաճախէին հայկական վարժարաններ, օտար անունութիւնները հազուադիւս երեւոյթ էին: Թէ ինչ կ'ըլլայ վաղուան պատկերը: Այսօր կանխատեսելը կարելի չէ: Բայց, որպէս գաղութի մշակութային կեանքի մէջ համեստ մասնակցութիւն բերած մարդ եւ որպէս հայրենասէր ուսուցչուհի կը կարծեն, որ այսօր առաւել եւս կարեւոր է զգաստամալը: Մեր գաղութի ղեկավարներէն կը պահանջուի նոր ռազմավարութիւն՝ կանխելու համար ամեն տեսակի ծովման վտանգ: Իսկ ինչ պարտականութիւն ունի հայ ուսուցիչը:

Չայ ուսուցիչին ուսերուն ծանրացած է այս պարտականութիւնը: Որքան ալ կրկնենք ու կրկնենք, թէ ընտանիք, եկեղեցի, ակումբ մէկ օղակ են: Բայց եւ այնպէս ամենէն մեծ պարտականութիւնը ինկած է հայրենասէր ուսուցիչին ուսերուն:

Քիչիկ մը թոյլնալը կրնայ կործանիչ դառնալ: Մեր հոգատարութեան յանձնարար տասնեակ մը հայ աշակերտները, որոնք վերջին այս տասնամեակին ապրեցան ոչ միայն պատերազմի արհաւիրքը, այլ նաեւ համատեսցին տնտեսական ծանր պայմանները, որոնք շատ անգամ կորսնցուցին կեանքի հանդէպ իրենց լատեսութիւնն ու մանկական անմեղութիւնը, ու դեռ անոնց ուսերուն վրայ ծանրացած են պետական ուսումնական ծրագիրները, ինչպէս կարելի է տակաւին քարոզել սէր դէպի մայրենի լեզուն, դէպի իրենց ազգային ինքնութիւնը: Անաղարտ հայերէն լեզուի պահպանումը եւ ազգային գիտակցութեան սերմանումը կը մնայ հայ ուսուցիչին միակ եւ սուրբ պարտականութիւնը: Ուստի այսօր առաւել քան երէկ հարկաւոր են Մանկավարժական համալսարանի հոգեբանական եւ մանկավարժական նոր մեթոտներու ստացած մեր գիտելիքները կարենալու համար շարունակել մեր նուիրական աշխատանքը:

Երան ԶԷՅՈՒՆՅԵԱՆ
ՀՊՄՀ Բանասիրական ֆակուլտետի շրջանավարտ, Գալեպ (Սիրիա)


ԽԱՉԱՏԵՐՈՒԿՆԵՐԻ ԲԱԽՄԱՆ ԿԵՏՈՒՄ...

Մանկավարժական համալսարանն ուսանողի արյան և էության մեջ ամրագրում է Մեծն լուսավորիչ Խաչատուր Աբովյանի պատգամը. «Ունկնդիր լինել դարերի կանչին»:

Ես Մարիամ ժամհարյանն եմ, սովորել եմ ՀՊՄՀ Բանասիրական ֆակուլտետում: Ունենալով բավականին հազեցած ու բուռն ուսանողական տարիներ՝ այսօր արդեն հաջողությամբ փակում եմ նաև կյանքիս այդ էջը:

Իմ ընտրած մասնագիտությունն ունի անհուն ակունքներ, որոնց խորքերում բազում հետաքրքիր գաճեր կան պահված: Օրինակ՝ պարզ մարմնի և հոգու ներդաշնակությունն է, իսկ բանասիրությունը՝ բառերի միաձուլումից ստեղծված բազմախորհուրդ սիմֆոնիա, որտեղ ամեն բառ, միտք, կապակցություն դառնում է մի յուրօրինակ մեղեդի, որի ելևէջները կարող են ներթափանցել ընթերցողի ոգու խորքերը՝ տանելով նրան անձայրածիր աշխարհ, որտեղ թագավորում է գիտելիքն իր անսահման հնարավորություններով:

Իմ ավարտական շրջանը համընկավ հայտնի համավարակի տարածման հետ, ուստի այն բավականին տարբեր ու արտասովոր ստացվեց: Ի դեպ, վարակել ինձ ևս չըջրջանցեց: Իմ հիվանդության ընթացքը համընկնում էր համալսարանում անցկացվող միջանկյալ քննությունների հետ, որը հայտնի պատճառներով անցկացվում էր հեռավար: Մի կողմից՝ հիվանդությունն իր հետևանքներով, մյուս կողմից՝ պատասխանատու քննություն շրջանն իմ կյանքը դարձրել էին փոթորիկ, որի ուժգնությունը դիմադրելու համար անհրաժեշտ էր մարդկային ջերմ վերաբերմունք, ինչու չէ, նաև հոգեբանական ճշգրիտ մոտեցում: Ինձ հաճախ թվում էր, որ ես անկարող եմ դուրս գալ ստեղծված իրավիճակից և մասնակցել բոլոր քննություններին և հասնել այն բաղձալի օրվան, որին այդքան երկար էի սպասել: Աջակցությունը չուշացավ. ինձ օգնության ձեռք մեկնեցին և ստեղծված իրավիճակից հանեցին իմ սիրելի համալսարանի բանիմաց, գրագետ, իրենց գործին գիտակ դասախոսները, ովքեր դասախոս լինելուց զատ Մարդ են՝ բառի լայն և իսկական իմաստով, մարդ՝ օժտված մարդկային ամենավեհ զգացումներով, ովքեր ի գորու եղան վերափոխել իմ կյանքը, քանի որ ակամա հայտնվել էի երկու խաչմերուկների բախման կետում՝ հիվանդություն և կրթություն: Դասախոսների շնորհիվ ես հաղթահարեցի վախերս, ուժ գտա իմ մեջ և մաս-



նակցեցի քննություններին, որոնք անցան բավականին բարեհաջող:

Քննաշրջանի ընթացքը հաղթահարվեց «Classroom» հարթակի միջոցով, որը բավականին հարմար է հեռավար ուսուցում կազմակերպելու համար: Ուսուցման այս ձևը մի ինքնատիպ լուծում է, երբ մարդն ակամա բախվում է անսպասելի որևէ խնդրի, ինչպիսին էր Չայաստանում և ողջ աշխարհում առաջ եկած հայտնի թագավարակը, որը հանկարծակիի բերեց բոլոր ուլորտների աշխատողներին, հատկապես կրթության պատասխանատուներին: Բայց մեր համալսարանը կարողացավ շատ կարճ ժամանակամիջոցում գտնել ճիշտ լուծումներ, իրականացնել իր առաջ դրված խնդիրներն ու պահանջները:

Յուրաքանչյուր գրագետ մարդ պարտական է իր ուսուցչին, իսկ ես պարտական եմ ՀՊՄՀ ողջ պրոֆեսորադասախոսական անձնակազմին, որ կյանքիս դժվարին պահին եղան իմ կողքին՝ աջակցելով մարդկայնորեն և մասնագիտորեն: Խոսքս ավարտում մեկ, բայց տարողունակ բառով՝ ՇՆՈՐՀԱԿԱՆԻԹՅՈՒՆ:

Սեպտեմբերին առավել վստահ ես կվարեն իմ դասերը, բարության ու մարդասիրության դասերը, որոնք ինձ փոխանցել են Բանասիրական ֆակուլտետի իմ դասախոսները:

Մարիամ ԺԱՄՄԱՐՅԱՆ
Բանասիրական ֆակուլտետի շրջանավարտ, Վարդենիսի № 3 հիմնական դպրոցի ուսուցչուհի

ԹԵՐԹԵԼՈՎ ԱՆՑՅԱԼԻ ԷՋԵՐԸ



Անտ ԿԱՐՀԱՄՅԱՆ

Լեզվաբան, պրոֆեսոր, ՀԽՍՀ ԳԱ թղթակից անդամ, ՀԽՍՀ գիտության վաստակավոր գործիչ, մանկավարժ Աշոտ Աբրահամյանը ծնվել է 1918 թ. Շահրիզ (այժմ՝ Գեղարքունիքի մարզի Գեղամավան) գյուղում: 1937 թվականից աշխատել է որպես ուսուցիչ Հրազդանի շրջանի դպրոցներում, վարել նաև ուսնասվարի և տնօրենի պաշտոններ:

Բարձրագույն կրթությունը ստացել է Խաչատուր Աբովյանի անվան հայկական պետական մանկավարժական ինստիտուտի հեռակա բաժնում: 1948 թվականին պաշտպանել է ատենախոսություն և ստացել բանասիրական գիտությունների թեկնածուի աստիճան, 1943 թվականից մինչև մահը դասախոսել է նույն ինստիտուտում: 1950-1959 թվականներին պաշտոնավարել է ՀԽՍՀ ԳԱ լեզվի ինստիտուտում իբրև բաժնի վարիչ, 1960 թվականից Երևանի Խաչատուր Աբովյանի անվան հայկական պետական մանկավարժական ինստիտուտի հայոց լեզվի ամբիոնի վարիչն էր:

1963 թվականին նա պաշտպանել է դոկտորական ատենախոսություն: Վարել է ժամանակակից հայոց լեզու, գրաբար, լեզվաբանության ներածություն բուհական դասընթացները: Ուշագրավ ներդրում ունի հայերենի, մասնավորապես արդի գրական լեզվի բայականության, բայական կարգերի ձևաբանական հատկությունների քննության բնագավառում: Գրաբարի նրա կազմած ձեռնարկը ակնհայտորեն նպաստել է հին գրական հայերենի ուսուցման գործին: Հանդես է եկել բազմաթիվ արժեքավոր հոդվածներով, որոնց մեջ անդրադարձել է հայերենի պատմական հնչյունաբանության, բառաքննության խնդիրներին, լեզվի ավանդման գիտամեթոդական խնդիրներին և այլն:

Աշոտ Աբրահամյանի մեծագույն ծառայությունը հայագիտությանը եղել է մնում է հայ միջնադարի երկու մեծարժեք մատյանների աշխարհաբար թարգմանությունը. 1971 թվականին լույս տեսած Եզնիկ Կողբացու «Եղծ աղանդոցը» և Ստեփանոս Օրբելյանի «Սյունիքի պատմությունը»:

Աշոտ Աբրահամյանը մահացել է 1985 թ. Երևանում: **ՀՊՄՀ գիտական թանգարան**



ՎԵՐԱՓՈՒՄԱՍՏԱՎՈՐԵԼՈՎ ԿՅԱՆՔՍ...

Երբեմն կյանքում տեղի են ունենում այնպիսի իրադարձություններ, որոնք կարող են վերափոխափոխել կյանքը: Դա կարող է լինել ինչ-որ հիվանդություն, լավ ու վատ անակնկալներ: Իմ դեպքում իմ երեխաներն էին, որոնք ստիպեցին ինձ աշխարհին և կյանքին նայել բոլորովին ուրիշ աչքերով: Այն փոփոխությունը, որը կատարվեց իմ կյանքում, անսպասելի էր բոլորի համար: Չնայած նրան, որ իմ մայրիկն ու քույրիկը մանկավարժներ էին, ես երբեք չեմ ձգտել դառնալ ուսուցիչ: Դպրոցական տարիներին շատ եմ սիրել մաթեմատիկական հաշվարկներն ու բնագիտական առարկաները: Դպրոցն ավարտելուց հետո աշխատել եմ տարբեր բնագավառներում, շփվել եմ տարբեր մարդկանց հետ: Քսան տարի անց երրորդ երեխայիս՝ տղայիս ծնվելուց հետո հասկացա որ հոգով և իմ ամբողջ էությամբ մանկավարժ եմ, և որ հետագայում ուզում եմ աշխատել դպրոցում՝ երեխաների հետ:



Նրանց կյանքի ու մտածելակերպի մեջ, փորձում եմ երեխաներին նայել ոչ միայն ծնողի, այլև մանկավարժի և հոգեբանի աչքերով: Ուզում եմ ավելի լավ հասկանալ նրանց բոլոր իրավիճակներում:

Փոխելով մասնագիտությունս և վերափոխափոխելով կյանքս՝ ես ինձ ավելի երիտասարդ զգացի, նաև՝ երջանիկ, որովհետև հասկացա, որ մանկավարժությունն ավելի հոգեհարազատ է ինձ, քան իմ նախկին մասնագիտությունը, քանի որ հիմա ինձ դուր է գալիս դասավանդել, դաստիարակել և փոխանցել իմ գիտելիքները: Անչափ կարևոր է ուշադրություն դարձնել երեխաների գեղագիտական զարգացմանը:

Գեղարվեստական դաստիարակությունն օգնում է երեխային՝ զարգացնել միտքը, երևակայությունը, ավելի լավ հասկանալ աշխարհն ու շրջապատի մարդկանց ես ինքս էլ սիրում եմ ազատ ժամերին նկարել, հատկապես ամռանը, երբ ապրում եմ իմ ամառանոցում և գտնվում եմ բնության գրկում: Կյանքը գեղեցիկ է և երբեք ուշ չէ այն նոր շրջադարձ մտցնել, նոր հետաքրքրություններ գտնել, անսպասելի փոփոխություններ մտցնել կյանքիդ մեջ:

Իրինա ԹԱՐԽԱՆՅԱՆ
Սկզբնական կրթության ֆակուլտետի «Տարական մանկավարժություն և մեթոդիկա» բաժնի հեռակա ուսուցման համակարգի 3-րդ կուրսի ուսանողուհի

ԽՈՐՀՐԴԱՆՇԱԿԱՆ ԱՐՇԱՎ ԴԵՊԻ ԽՈՒՍՏՈՒՓ

Մանկավարժական համալսարանի Պատմության և հասարակագիտության ֆակուլտետում գործող «ՀԱՐՅՈՒՐ ԼԵՈՆԱԳԱՎԱԹ» լեռնագնացների ակումբի հերթական նպատակակետը լեզենդ լեռն էր՝ Խուստուփը (3201 մ): Հունիսի 28-ի վաղ առավոտյան ակումբի 7 անդամներ, չնայած անձրևին և մառախուղին, Խուստուփի ժայռոտ գագաթին էին. ակումբի 7-ամյակին 7 անդամներով Խուստուփ բարձրանալը խորհրդանշական էր:

Հայտնի է, որ 1919-1921 թթ. մեծամուն Գարեգին Նժդեհը Սյունիքում թաթարների և բուլղարների դեմ պայքարում հաճախ էր ապավինում Խուստուփի անմատչելի լանջերին ու ծերպերին: Խուստուփ-Գարեգին Նժդեհի հսկաների «հանդիպման» մասին բոլորը գիտեն:

Խուստուփը համարվում է սուրբ լեռ: Իզուր չէ ժողովուրդը նրան տվել «ճգնավոր» անունը: Լեռան անվան ստուգաբանությամբ



յուններից մեկի համաձայն՝ նրա հիմքում ընկած է խուռիերեն «խութ»՝ արմատը, որը նշանակում է աղոթք: Դեռ հին ժամանակներից լեռը եղել է աղոթատեղի և ուխտագնացության վայր:

Խուստուփի լանջին՝ Կոզնի կոչված աղբյուրի մոտ եմ ամփոփված հայ ժողովրդի զորավար Գարեգին Նժդեհի մասունքները:





Այս պատմությունն ինձ հետ պատահեց 1993 թվականին: Մութ ու ցուրտ, բարի օրերն էին: Երբ այժմ գնում եմք Երևանից դուրս պեղումների, պատահում է, որ երբեմն-երբեմն այն տանը, որում արշավախմբով մնում եմք, լույսը կես կամ մեկ ժամով անջատում են: Արտասահմանցի գործընկերներիս համար դա սթրես է, իսկ ինձ համար հիշողությունն և ուղևորությունն դեպի անլույս, բայց այնքան ջերմ ու լուսավոր օրերը:



Երևանում լույսը միացնում էին գրաֆիկով, որքան հիշում եմ՝ երկու ժամ ցերեկը, երկու ժամ էլ գիշերը: Ու դա մարդամտության ու լույսի ավետաման

ԵՂԻՑԻ ԼՈՒՅՍ

- 3. Եւ Աստուած ասաց. «Թող լոյս լինի»: Եւ լոյս եղաւ:
- 4. Աստուած տեսաւ, որ լոյսը լաւ է, եւ լոյսը բաժանեց խաւարից: **Ծննդոց**

տոնն էր: «Լույսե՛րը տվեցին, լույսե՛րը տվեցին», - բակերում գոռում էին իմ հասակակիցները: Մարդիկ մարդու նման շտապում էին կիսվել. լույսով, ուրախությամբ, հոգսերով ու նորից լույսով...

Թեև տարածությունը բավական հեռու էր, բայց անհնար էր չնկատել նրանցից մեկի հյուսկեն մազերն ու հեքիաթային ժպիտը: Նրա ամեն մի հարվածը գնդակի ներդաշնակվում էր քիչ այն կողմ քանոց սեփեթը կանաչ բարդիների հետ:

Րաքաղաքի մասին: Հայրս պատմում էր, որ հին ու բարի ժամանակներում Գետառը վարարում էր, դուրս գալիս հունից ու հասնում մինչև իրենց շենք: Մտառակա շենքերի պատանիները քարերով «գյուլ» էին կապում ու լողանում: Հորս համար Գետառի մասին այս պատմություններն արդեն դարձել են դրվագ ու հիշողություն: Ով իմանար, որ իմ Գետառն էլ, տրամվայներն էլ ինձ համար նույնպես դրվագ ու հիշողություն կդառնան: Հիմա արդեն Գետառից լավոր ջրից ինչ-որ անժամոթ բառեր են հնչում:

Տատիկիս տունը գտնվում է Խանջյան 49 հասցեում: Հաճախ էի սիրում նայել երրորդ հարկի բնակարանի պատշգամբից բացվող Երևանին: Հատկապես՝ անառները: Դիմացի մայրով տրամվայներն էին գնում, իսկ հետևում Գետառն էր, շատ թե քիչ վարարած, ճանփա բռնել: Թեմիսի կորուստը երկու գեղատեսիլ աղջիկ միշտ այդ ժամին թեմիս էին խաղում:

Կորտերից անդին Երևանի պետական համալսարանն էր: Տրամվայի սուլոցը, թեմիսի գնդակի ձայնն ու Գետառի բարբառող ջուրը, որից Երևանի հոտն էի շնչում: Քիչ ուշադիր լսիր, և Գետառի ամեն մի կարկաչուն երևանյան խուսվածքով քեզ արձանալի ու հետաքրքիր պատմություններ կավետի մեր հնամենի մայ-

րաքաղաքի մասին: Հայրս պատմում էր, որ հին ու բարի ժամանակներում Գետառը վարարում էր, դուրս գալիս հունից ու հասնում մինչև իրենց շենք: Մտառակա շենքերի պատանիները քարերով «գյուլ» էին կապում ու լողանում: Հորս համար Գետառի մասին այս պատմություններն արդեն դարձել են դրվագ ու հիշողություն: Ով իմանար, որ իմ Գետառն էլ, տրամվայներն էլ ինձ համար նույնպես դրվագ ու հիշողություն կդառնան: Հիմա արդեն Գետառից լավոր ջրից ինչ-որ անժամոթ բառեր են հնչում:

Տատիկիս տանն այդ օրը, սակայն, ամառ չէր: Խստաշունչ ծմեռ: Վառվում էր լամպի պատ-

րույզը: Նստած էինք սեմյակում տատիկս, երկու հորաքույրս և ես: Հուզումնի վառարանն իր կայծկլտացող-այրվող փայտերի խորհրդավորությամբ դարձել էր մեր գրույցների վկան: Հզորտեմ ինչու՞ այդ պահին ես լույս ուզեցի: Բայց Գրողի տարած լույսը չկար: Արդեն գրաֆիկով գիշերը մեր շենքին հասանելիք լույսը տվել էին: Այո՛, այո՛, Գրողի տարած լույսը: Հայկական բանահյուսության մեջ Գրողը մարդակերպ ոգի է, հոգեհան կամ հոգեառ: Հենց կանխորոշված օրը Գրողը ներկայանում է մարդուն և իր գեներով հարվածում ու առնում նրա հոգին: Մահը հաճախ պատկերացել է հենց կռիվ Գրողի հետ: Լույսն էլ կռիվ է տալիս խավարի հետ:

- Բալիկ ջան, ձեր շենքի համար ո՞րն աս:
Ամնիջապես հորաքրոջիցս հարցրի:
- Խանջյան 49, ծյածյա ջան:
Զյածյան մի պահ լռեց, հետո պատասխանեց.
- Ախր, բալիկ ջան, էսօր արդեն ձեր շենքի լույսը տվել ենք:
- Չէ, ծյածյա ջան, ես լույս եմ ուզում: Խնդրում եմ, ծյածյա ջան, ինձ լույս ա պետք, շատ եմ խնդրում...
Լսափողը դրեցի: Անցավ հինգ րոպե: Ու լույսը վառվեց: Լույսե՛րը տվեցին: Տատս, հորաքույրերս խառնված ժպիտով ինձ էին նայում: Հարևանների դմբերն են բացվում: Մեր դուռը բակում են: Կողքի հարևան Ալո տատին էր:
- Ես ի՞նչ ա եղել, տեսնո՞ւմ եք, լույսե՛րը տվել են: Ես կարող ա՞ ուրիշ շենքի լույսը շփոթել եմ, մեզ եմ տվել: Ամբողջ մուտքում իրարանցում էր: Չսպասված տոն: Բոլորն ուրախ իրար լույս էին ավետում:
Այդ օրը Խանջյան 49 շենքը հավելյալ երկու ժամ լույս ունեցավ: Ենձա հորաքույրս ժպտալով նայեց ինձ ու ասաց.
- Էսօր դու մեր ամբողջ շենքին լույս տվեցիր:
Երբ Երևանից դուրս գնում եմք հնագիտական պեղումների, ու երբեմն-երբեմն կես կամ մեկ ժամով մեր վարձակալած տան լույսն անջատում են, արտասահմանցի գործընկերներս սթրես են ապրում: Իսկ ես ժպտալով հիշում եմ քեզ: Թեև երբեք չեմ տեսել, բայց հիշում եմ քո պայծառ դեմքը, հայկական բեղերով խառնված բարի ժպիտը և լույսը, որ ինձ տվեցիր...

Սիբայել ԲԱԴԱԼՅԱՆ
Էրեբունի արգելոց-բանգարանի տնօրեն, ՀՊՄՄՀ շրջանավարտ

Թագավարակի ուրվականը

Կորոնան այնքան է հարազատացել, որ նրա ուրվականը հայտնվում է անկողնուս մեջ, երբ բացում եմ աչքերս, նստում է դիմացս, նայում է սուրճիս բաժակին, էլ չեմ ասում, որ կրնկակոխ հետևում է ինձ, գնում, թե շա՞տ եմ վախենում իրենից: Երբ ավարտվում է օրը, գալիս է, պառկում մահճակալիս՝ որպես տիրոջը չլքող հավատարիմ շնիկ: Ուզած թե չուզած՝ շոյում եմ գլուխը, որ չաղմկի:



Չէ՛, արդեն միակ սփոփանքն է՝ նայել առաստաղին և մտովի ետ տանել երկնքի ու տան միջև եղած այդ բետոնե ծածկույթը:

Կորոնան հաճախ, որպես երևույթ, ինձ խաղ է թվում՝ մեծ տերությունների սցենարով գրված, և բեմը դառնում է քառասային ու խուճապաստեղծ, անկառավարելիություն՝ փոքր երկրների համար: Աշխարհի բարտեզն այսօր դառնում է էլ-լաստիկ ու ձգողական, որտեղ ամեն մի դերակատար ուզում է իմաստուն և ազդեցիկ երևալ, տեղավորվել իր իսկ հյուսած ուրույթի մեջ:

Զգիտեմ, թե ինչ է կարդում հայացքիս մեջ, բայց ես ունեմ մի հստակ տեսակետ, որ սատանան այնքան էլ ահավոր չէ, ինչպես պատկերացնում ենք: Ես ճանաչում եմ նրան դեռ իմ ջախելության տարիներից: Ինձ գտնում էր, ուր էլ լինեի:

Է՛, տեսնես առանց կորոնայի կկարողանա՞րք ապրել հետայսու, երբ ընտելանալու ուժը այլևս վախ չի ներշնչի: Անգամ թշնամի հարևանիդ հետ կարողանում ես ապրել՝ զգուշության փայտը միշտ պահած դռան ետևում:

Ի՞նչ ասեմ այդ քաղաքակրթական մասին, որ ոտնատակ է լինելու շուտով: Տարիների հեռավորությունից նայելիս պիտի կուչ գա որբացած, բորոտ ու հիվանդ մի ժերուկի պես, որ օգնություն է աղերսում աչքերով:

Կորոնան քանելեմն է նաև: Ամեն օր փոխում է իր գույնը: Բոլորից շատ վախ է ներշնչում, երբ խառնվում է սևի ու սպիտակի հետ, քաղաքականացվում է և դառնում գորշագույն, անընդունելի կոկտեյլ՝ իմ չսիրած ծավալումներով:

Մնում է բարձրագոչել. դու էլ հավերժական չես, սքեմավոր: Շուտով կապրենք առանց քեզ: Իսկ ես մի տրագիկ պատմություն կգրեմ նրանց թուլության մասին, ովքեր վախի դրոշ են ճոճել և փորձել են համոզել ինձ, որ իրենք գերիզոր են:

Կգա՞ այդ ժամանակը: Հոփսիսմե ՀՈՎԱՆՆԻՍՅԱՆ

Իսկ դրսում միթաքարություն չէ, դիմակը խանգարում է: Առաջին անգամ զգում ես թթվածնի գերիշխանությունը, կախվածությունը նրանից: Աշխատում ես տեղ-տեղ ազատվել այդ աչքակապ հիշեցնող բազմատեսակ դիմակներից:

ԸՆԿԵՐՈՋՍ ՄԻՏՔԸ

Քաղաքի մութ ու փոշոտ փողոցներով քայլում էինք լուռ ու մտազբաղ... Ընկերս էր: Երկուսս էլ լուռ էինք, սակայն այնքան բան կար ասելու՝ սրտից, հոգուց... Երկուսս էլ մտածում էինք, մտածում... Իմ միտքը թռել էր դեպի «անիրական հեռուները», իսկ նրանը՝ տեղում էր, մեզ հետ...

Ես՝ նրա ընկերը, սովորություն ունեմ մտածելու անցյալի ու ապագայի մասին... Իսկ նա շրջապատված է ներկայով... Ընկերոջս միտքը շատ անգամ է օգնել ինձ՝ հասկանալու իրեն, գուցե նաև ինձ... Ընկերոջ միտքը... ինչքան պարզ է այն, ինչքան ճիշտ. այն խոսում ու լռում է ճիշտ ժամանակին: Շարունակ քայլում էինք ու չէինք էլ նկատում, որ մութն արդեն ընկնում է, ու մեզ պատել է մթնշաղը: Քաղաքի լույսերն արդեն վառվել էին, մարդիկ շփոթահար վազում էին կանգառում կանգնող ավտոբուսների հետևից. բոլորը տուն էին տապալում... Ջարմանալի էր, որ նույնիսկ փչող քամին ու սառը օդը մեզ չէին սթափեցնում... Մեմք, խորատուգլած մեր հոգին տազանապեցնող մտքերում, քայլում էինք՝ կտրված աշխարհից...

Քայլում էի ու մտածում ընկերոջս մասին. ո՞ր էր նրա միտքը հիմա... չէ՞ որ արդեն մութ էր, չափչփել էինք փողոցները: Մի պահ զգացի, որ կտրվել էր իրականությունից. այնքան էր տարվել սեփական մտքերով, որ չէր նկատում ոչ ոքի ու ոչինչ:

Քայլում էի ու մտածում ընկերոջս մասին. ո՞ր էր նրա միտքը հիմա... չէ՞ որ արդեն մութ էր, չափչփել էինք փողոցները: Մի պահ զգացի, որ կտրվել էր իրականությունից. այնքան էր տարվել սեփական մտքերով, որ չէր նկատում ոչ ոքի ու ոչինչ:

Չայն տվեցի. չլսեց: Ձեռքից բռնեցի՝ ասելով. «Սպասիր...»: Կանգնեց... զարմացած ու սառած հայացքն ուղղեց ինձ. չէր գիտակցում, թե ինչ է կատարվում շուրջբոլորը: Հայացքը մի պահ շեղեց... հետո նորից նայեց ինձ՝ ասելով «Գնա՛նք»: Ի՞նչ ասեի ես... գլխով համաձայնության նշան տվեցի: Նորից քայլեցինք... դեպի ո՞ր կողմ, դեպի ո՞ր... ինքս էլ չգիտեմ... Բավականին ուշ էր արդեն, երբ բաժանվեցինք... Հրաժեշտ տվեցինք, ու ես հեռացա՝ թողնելով նրան ինքն իր հետ՝ իր մտքերի հետ առանձին...

Չայն տվեցի. չլսեց: Ձեռքից բռնեցի՝ ասելով. «Սպասիր...»: Կանգնեց... զարմացած ու սառած հայացքն ուղղեց ինձ. չէր գիտակցում, թե ինչ է կատարվում շուրջբոլորը: Հայացքը մի պահ շեղեց... հետո նորից նայեց ինձ՝ ասելով «Գնա՛նք»: Ի՞նչ ասեի ես... գլխով համաձայնության նշան տվեցի: Նորից քայլեցինք... դեպի ո՞ր կողմ, դեպի ո՞ր... ինքս էլ չգիտեմ... Բավականին ուշ էր արդեն, երբ բաժանվեցինք... Հրաժեշտ տվեցինք, ու ես հեռացա՝ թողնելով նրան ինքն իր հետ՝ իր մտքերի հետ առանձին...

Ընկերոջս միտքը... որտե՞ղ է այն հիմա. քաղաքի ո՞ր փողոցում, ո՞ր մայթին...

Ընկերոջս միտքը... որտե՞ղ է այն հիմա. քաղաքի ո՞ր փողոցում, ո՞ր մայթին...

«Դու իմ երազանքներին տվեցիր ձև և վերադարձրիր թևեր»



րոնց հետ ապրել եմ բազմաթիվ երջանիկ պահեր:

Իմ գիտական ղեկավարը՝ Լևոն Երվանդի Մարկոսյանը, մի անգամ ասաց. «Համալսարանը գիտության տաճար է»: Այս խոսքերը միշտ կհիշեմ, քանի որ դրանցում արտացոլված է մանկավարժական ողջ գաղափարախոսությունը:

Շնորհիվ այնպիսի վարպետների, ինչպիսիք են Նաիրա Դալյանը, Լևոն Մարկոսյանը, Իրինա Մանուկյանը և շատ ուրիշներ, ես հասկացա, որ գտել եմ ինձ այս ոլորտում, որ լեզվաբանությունը իմ ապագա մասնագիտությունն է, իսկ Ռուզան Թադևոսյանի, Իննա Մարկոսյանի, Անահիտ Ամիրխանյանի և այլոց շնորհիվ ես սիրեցի գրականությունը. հասկացա նրա ողջ խորությունը, անասելի կախարդանքը:

Առաջին կուրսում, հաջատուր Աբովյանի տուն-թանգարան այցելության ժամանակ, կարծիքների և տպավորությունների գրքում ես գրեցի հետևյալ տողերը. «Դու իմ երազանքներին տվեցիր ձև և վերադարձրիր թևեր»:

Մանկավարժությունը մասնագիտություն չէ, առաքելություն է: Դա ամենապատասխանատու առաքելություններից մեկն է, որը միայն կարելի է պատկերացնել:

Հիշեմք Հիսուս Քրիստոսին, որն իր ուղերձները բանավոր քարոզելով՝ հիշատակվեց որպես «րաբբի»՝ ուսուցիչ:

Մեծ հույսեր եմ կապում հարազատ դարձած ՀՊՄՀ-ի հետ և, իհարկե, կշարունակեմ սովորել արդեն մագիստրատուրայում: Մանկավարժական համալսարանը մասնագիտական դարբնոց է, մեկ տեղում կենտրոնացած մեծ լեզվաբանների ու տարբեր մասնագետների կաճառ:


Կորյուն ՕՐԱՆՅԱՆ

Օտար լեզուների ֆակուլտետի ռուսաց լեզվի և գրականության բաժնի հեռակա ուսուցման համակարգի 2019-2020 թթ. շրջանավարտ

Իմ ներածական խոսքը որոշեցի սկսել թևավոր արտահայտությամբ. «Տվեք ինձ հենման կետ, և ես կշրջեմ երկիրը» (Արքիմեդ), որովհետև իմ համալսարանը (ես հպարտությամբ եմ ասում իմ) տվել և տալիս է ինձ ինքնադրսևորման համար անհրաժեշտ երաշխիքներ, ինքնակատարելագործման և ինքնազարգացման անվերջ հնարավորությունների աղբյուր է:

Այս կարճ հինգ տարիները, որ ես անցկացրել եմ համալսարանի պատերի ներսում, նշանավորվեցին բազմաթիվ փորձառություններով, ձեռքբերումներով և հաղթանակներով: Իմ առջև բազմաթիվ դռներ բացվեցին. ես ծանոթացա շատ մարդկանց հետ, ովքեր իրենց մասնագիտության վարպետներն են: Ինչպես աստղագետն է բացահայտում նոր համաստեղություն, այնպես էլ ես հայտնաբերեցի մի նոր աշխարհ, մի աշխարհ, որտեղ ես ճանաչեցի անսահման գեղեցիկ լեզվաբանությունն իր ամբողջ խորությամբ, բնականաբար, շնորհիվ համալսարանի և նրա մասնագիտական անձնակազմի: Ձեռք բերեցի հիանալի ընկերներ՝ համակուրսեցիներին, ո-

ԼՈՒՅՍ Է ՏԵՍԵԼ



Լույս է տեսել Մանկավարժական համալսարանի «Հայագիտական հանդես» պարբերականի 2020 թվականի 1(46) համարը:


Պարբերականի «Լեզվաբանություն» (4 հոդված), «Գրականագիտություն» (5 հոդված), «Պատմություն» (1), «Մշակույթ» (5 հոդված), «Մանկավարժություն և մեթոդիկա» (2 հոդված) բաժիններում ներկայացվել է 17 հոդված:

Հանդեսի հերթական համարում տեղ գտած գիտական տարաբնույթ հոդվածներն անչափ ուշագրավ ու հետաքրքիր նորություններ են պարունակում:

«Ուզում եմ իմանալ ավելին»

Հուլիսի 8-ին մեկնարկեց Բժշկագիտության և առողջապահության ամառային դպրոցի «Ուզում եմ իմանալ ավելին» առցանց առաջին հանդիպումը՝ կազմակերպված ՀՊՄՀ Առաջին բուժօգնության, արտակարգ իրավիճակների և քաղաքացիական պաշտպանության ամբիոնի կողմից: Առցանց հանդիպմանը մասնակցում էին Մանկավարժական համալսարանի տարբեր ֆակուլտետների ուսանողներ ու դասախոսներ, բժիշկներ և հյուրեր:

Հանդիպումը նվիրված էր Կովիդ-19 համավարակի ժամանակակից պատկերացումների քննարկմանը: Առաջին բուժօգնության, արտակարգ իրավիճակների և քաղաքացիական պաշտպանության ամբիոնի ղոցեմտ, ք.գ.թ., ընտանեկան բժիշկ, թոքաբան Աննա Մարգարյանը ներկայացրեց Կովիդ-19 հիվանդության ժամանակակից պատկերացումները՝ շեշտադրելով կլինիկական ընթացքն ու կանխարգելման սկզբունքները: Մեկնաբանվեց նաև ուսանողների շրջանում անցկացված Կովիդ-19-ի վերաբերյալ գիտելիքների և վարքագծի ուսումնասիրման ստացված արդյունքները:



Ձեկույցով հանդես եկավ նաև հրավիրված դասախոս, մանկաբույժ, Երեխաների շնչառական առողջության պահպանման Առողջապահական ՀԿ մախագահ Սաթենիկ Հարությունյանը, որն անդրադարձավ նոր կորոնավիրուսային վարակի առանձնահատկություններին երեխաների շրջանում: Մասնագետը շեշտեց երեխաների տարբեր տարիքային խմբերում այս հիվանդության վաղ ախտանիշների ճանաչման կարևորությունը, գործնական աշխատանքից բերեց կլինիկական օրինակներ:

Ուսանողներն ու դասախոսները մեծ հետաքրքրություն ցուցաբերեցին ներկայացված թեմայի հանդեպ և շնորհակալություն հայտնեցին ինչպես բանախոսներին, այնպես էլ միջոցառմանի կազմակերպիչներին:

Բժշկագիտության և առողջապահության ամառային դպրոցի «Ուզում եմ իմանալ ավելին» հանդիպումները շարունակական կլինեն, հաջորդ հանդիպումը կկազմակերպի հուլիսի 15-ին:

ՀԱՅՏԱՐԱՐՈՒԹՅՈՒՆ

Խ. Աբովյանի անվան հայկական պետական մանկավարժական համալսարանը հայտարարում է 2020/2021 ուսումնական տարվա հայցորդական (հետբուհական) կրթության ընդունելություն (վճարովի հիմունքներով)

Հայցորդական (հետբուհական) կրթության ընդունելության մրցույթին կարող են մասնակցել պետական և հավատարմագրված ոչ պետական բուհերի շրջանավարտներ, ովքեր ունեն մագիստրոսի կամ բարձրագույն կրթությամբ մասնագետի դիպլոմ:

Դիմորդները ներկայացնում են հետևյալ փաստաթղթերը.

1. Դիմում համալսարանի ռեկտորին՝ նշելով ընտրած մասնագիտությունը:
2. Մագիստրոսի կամ դիպլոմավորված մասնագետի կամ օրդինատորի դիպլոմի և դրա հավելվածի պատճենները (օտարերկրյա պետություններում բարձրագույն կրթություն ստացածների համար՝ փաստաթուղթ նրանց կրթության համարժեքության մասին):
3. Անձնագրի պատճեն
4. 2 տպագրված հոդված
5. 4 լուսանկար (3x4 չափի)
6. Ինքնակենսագրություն (CV)
7. Աշխատանքային գրքույկի պատճեն (եթե առկա է)
8. Քաղվածք աշխատանքային գրքույկից (եթե դիմորդն աշխատում է):

Փաստաթղթերն ընդունվում են հայտարարության հրապարակման օրից մինչև հոկտեմբերի 1-ը (ներառյալ):

Տեղեկությունների համար դիմել հետևյալ հասցեով՝ Երևան, Տիգրան Մեծի 17, 3-րդ հարկ, Գիտահետազոտական կենտրոն՝ 318 սենյակ, հեռ. 59-70-29:

Գրանցման վկայական՝ 01U00184 տրված է 26.03.2008 թ. Հասցեն՝ Տիգրան Մեծի 17, հեռ. 59-70-97: Էլ. փոստ՝ Newspaper@spu.am, asryansilva@gmail.com Տպագրված է «Տիգրան Մեծ» հրատարակչության տպագրատանը: Հասցեն՝ Արշակունյաց 2 Տպաքանակը՝ 1800 օրինակ: Ծավալը՝ 2 տպ. մամուլ

Թերթի նյութերի արտատպումներն առանց խմբագրության համաձայնության արգելվում է: Հղումը պարտադիր է: Թերթը տարածվում է անվճար: Հանձնված է տպագրության 14.07. 2020 թ. Թերթը կարող եք կարդալ ՀՊՄՀ կայքում՝ www.aspu.am

Գլխավոր խմբագիր՝ Սիլվա ԱՍՐՅԱՆ Բանասիրական գիտությունների բեկնածու Էջարունը՝ Պետրոս ՎԱՐԴԱՆՅԱՆԻ Համարի պատասխանատու՝ Սիլվա ԱՍՐՅԱՆ